

Guangjisi Minzcu Bau

ganbbau: CN45-0036 B.2014 Nd.9 Ng.24 liggaueq gyapngux nienz ndwengouj coi

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3142期

Dava: Haenqrengz Hai Monzloh Hawj Vunz Saujsu Minzcu Lai Ndaej Hong

大化:努力拓宽少数民族群众就业渠道

Geij ngoenz gonq, Dava Yauz-cuz Swciyen dingh'ok fangh'an, dajsuenq yungh sam seiq ndwen seiqgan, mienxfei hawj lajmbanj 6000 lai boux saujsu minzcu guh lajmbanj saedyungh gisuz beizyin nem bouxsenjdieg vunzhong lawh hong, caux hong ginaengz beizyin. Gij lajmbanj saedyungh gisuz beizyin neiyungh miz: Dajndaem makhwz-

dauz, dajndaem gooi, siengmuengx ciengx bya daengj 4 hangh. Vunzhong lawh hong nem caux hong ginaengz beizyin baugvat dengungh, hangungh, coih gyahden, meijyungh meijfaz, hongranz fuzvu daengj 11 hangh. Doenggvaq beizyin, vunz lai saujsu minzcu caenh'itbough gaemdawz saedyungh gisuz, baenz doenghboux nungzminz moq rox

gisuz, ginaengz lai, daezsang ra hong nem caux hong naengzlig, hawj saedceij ndaej mboujduenh gaijndei.

Baez beizyin neix genhciz ciuq vunz lai ndawsim siengjnaemj bae guh, ceng'aeu guhdaengz "beizyin boux ndeu, daiqlingx buek ndeu, baenzfouq bang ndeu".

(Vangz Vwnzboh/黄文波)



Yungzsuij: Boq Venz Caijdangz Haidaeuz Guh Ndwen Senheonz Minzcu Gihiyz Swcifaz

融水:芦笙踩堂启动民族区域自治法宣传月活动

9 nyied 19 hauh, Yungzsuij Myaucuz Swciyen aen yizsi haidaeuz guh 2014 nienz ndwen senheonz (Minzcu Gihiyz Swcifaz) hozdung youq aen yienh neix Gvangjancz Aenvenz gawjhengz. Youq gwnz yizsi, aen yienh neix sam aen duibovenz 120 lai vunz doengg'vaq boq venz diuq foux daengj angqhoh (Minzcu Gihiyz Swcifaz) fatbough saedhengz 30 hopbi, caemhseiz haidaeuz guh ndwen senheonz aen faplwd neix. Ndaw doz dwg vunz lai cingq boq venz diuq foux.

(Siz Yinzlieng/石银亮 ing)

Lungzlinz: Aeu Lai Hangh Cosih Coengh Fazcanj Minzcu Gunghyibinj Canjyez

隆林:多举措扶持民族工艺品产业发展

Vih hungzyangz minzcu vwnz-va, fazcanj lijyouz ginghci, gaenh bi daeuj, Lungzlinz Gak Cuz Swciyen doenggvaq ceng'aeu cienznaganz hanghmoeg, cwngfuj bangcoengh, yinzhangz daigvanj bangcoengh, caizcwngh boujdiep leihsik daengj

fuengsik, gyarengz bangfuz ndaw-biengz fazcanj minzcu gunghyibinj canjyez, hawj gij canjyez neix ndaej gveihmozva, cizyozva, canjyezva fazcanj. Dangqnaj, daengx yienh ndawbiengz gungh miz doenghgiij gizez gyagoeng gunghyibinj de 100

aen, gij gunghyibinj de baugvat ndangdaenj, baengz nyumxlab, dajsuiq, doenghyiengh iq Myaucuz, Yizcuz, Gwzlaujcu, Bouxcuengh, Bouxgun daengj 5 aen minzcu, bi canjciz 8000 lai fanh maenz.

(Moz Caijavah/莫彩花)

SIUSIK DINJ

简讯

● 9 nyied 18 hauh, Vuzcouh Si Giveij, Si Gyaunuzgiz daengz Mungzsanh Yen Yayiz Yauzcuz Yangh minzcu zozyau guh giensoengq simgyaez banghag hozdung, soengq 17 daiz dennauj hawj aen zozyau neix, caemhcai qigsoh soengq buek daehsaw, bigibwnj daengj hongdawz hagsaw hawj hagseng.

(Gvanh Sinh)

● Geij ngoenz gonq, bonj saw 《Ndangdaenj Duncuz》youz Sanh-gyangh Duncuz Swciyen gyoengq cozyah mehmbwk sij baenz de cingqsik okbanj fathengz. Bonj saw neix 12 fanh lai cih, 300 lai fuk doz, yungh 3 bi lai sij, gungh faen 8 cieng 25 ciet. Bonj neix daih'it baez dawz ndangdaenj Duncuz faen baenz 2 loih 9 cungj 40 lai yiengh, cienzmienh baijok le baenzlawz guh baenz gij ndangdaenj Duncuz.

(Gungh Bujganh)

● Geij ngoenz gonq, Swcigih Sinhvnz Cuzbanj Gvangjdengiz boiqsoengq 25056 bonj saw gungh dij ngaenz 47.34 fanh maenz de hawj Lozcwngh 58 aen ranzaw nungzgyah, neix gig ndei dwk bouj gij soq saw ndaw ranzaw nungzgyah aen yienh neix.

(Mungz Cwnghshw Veiz Sanyenz)

● Geij ngoenz gonq, Duh'anh Yauzcuz Swciyen comz ndaej 442 fanh maenz, fat cienznaganz bangbouj ngoenzyungh hawj 153 aen cungh siuj zozyau 3686 boux lauxsae, hawj doenghboux lauxsae youq dieg bya guhhong de gvaq ndaej engq ndei.

(Lanz Fuzgvanh)

Daengq Beixnuengx

小启

Aenvih gozging cuengqgyaj, geiz bauqceij 10 nyied 1 hauh mbouj ok lo. Hoh gyoengq beixnuengx ngoenzciet angqyangz vuenyungz!